

RJEŠENJE

**o novčanoj kazni za privredni subjekt ASA AUTO radi neizvršavanja obaveza iz
Rješenja, broj: 01-06-26-027-140-II/08 od dana 21. jula 2009. godine**

**Sarajevo,
decembar 2009. godine**

Broj: 01-06-26-027-174-II/08
Sarajevo, 1. decembra 2009. godine

Na osnovu člana 42. tačka g) i člana 48. stav (1) tačka d) Zakona o konkurenciji («Službeni glasnik BiH», br. 48/0, 76/07 i 80/09), a rješavajući po Rješenju Konkurencijskog vijeća, broj: 01-06-26-027-140-II/08 od dana 21. jula 2009. godine, Konkurencijsko vijeće, na 98. (devedesetosmoj) sjednici održanoj dana 1. decembra 2009. godine, je donijelo

R J E Š E N J E

1. Utvrđuje se da privredni subjekt Društvo za zastupanje i trgovinu ASA AUTO d.o.o. Sarajevo, Bulevar Meše Selimovića 16, 71000 Sarajevo, nije izvršio obavezu iz tačke II. dispozitiva Rješenja, broj: 01-06-26-027-140-II/08 od dana 21. jula 2009. godine, da zaključi Ugovor o prodaji i servisiranju proizvoda marke Volkswagen (privredni i putnički program) s privrednim subjektom M.R.M. export-import d.o.o. za trgovinu, marketing i usluge Ljubuški, Bana Jelačića b.b., 88320 Ljubuški, na vremensko razdoblje od najmanje 5 (pet) godina, pod jednakim uslovima utvrđenim u zaljučenim Ugovorima o prodaji i servisiranju proizvoda marke Volkswagen s ostalim ovlaštenim trgovcima u Bosni i Hercegovini.
2. Radi neizvršavanja obaveza iz tačke II. dispozitiva Rješenja, broj: 01-06-26-027-140-II/08 od dana 21. jula 2009. godine, izriče se novčana kazna privrednom subjektu Društvo za zastupanje i trgovinu ASA AUTO d.o.o. Sarajevo, Bulevar Meše Selimovića 16, 71000 Sarajevo, u smislu člana 48. stav (1) tačka d) Zakona o konkurenciji, u visini od 750.000,00 KM (sedamstopeidesethiljada), koju je dužan platiti u vremenskom roku od 8 dana od dana prijema ovoga Rješenja.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće u postupku pokrenutom na osnovu Zahtjeva za pokretanje postupka podnesenog od privrednog subjekta M.R.M. export-import d.o.o. za trgovinu, marketing i usluge Ljubuški, Bana Jelačića b.b., 88320 Ljubuški, putem punomoćenika Zajedničke advokatske kancelarije PALAMETA & PALAMETA, Kralja Zvonimira 15., 88000 Mostar (M.R.M. ili Podnosilac zahtjeva), protiv privrednog subjekta Društvo za zastupanje i trgovinu ASA AUTO d.o.o. Sarajevo, Bulevar Meše Selimovića 16, 71000 Sarajevo (u daljem tekstu: ASA AUTO), zastupanog po punomoćeniku advokatu Mehmedu Spaho, Mehmeda Spahe 8/II, 71000 Sarajevo, na 91. (devedesetprvoj) sjednici održanoj dana 21. jula 2009. godine, je donijelo Rješenje broj: 01-06-26-027-140-II/08 (u daljem tekstu Rješenje I).

Rješenjem I je utvrđeno da je privredni subjekt ASA AUTO zloupotrebio dominantan položaj, na relevantnom tržištu veleprodaje proizvoda marke Volkswagen ovlaštenim trgovcima u Bosni i Hercegovini ograničavanjem tržišta i primjenom različitih uslova prema privrednom subjektu M.R.M., za iste ili slične vrste poslova u odnosu na ostale ovlaštene trgovce, koji prodaju i servisiraju proizvode marke Volkswagen u Bosni i Hercegovini, u smislu člana 10. stav (2) tačka b) i c) Zakona o konkurenciji (u daljem tekstu: Zakon).

Konkurencijsko vijeće je nalažilo, na osnovu utvrđenog kršenja člana 10. stav (2) tačka b) i c) Zakona, privrednom subjektu ASA AUTO, u vremenskom roku od 30 (trideset) dana od prijema Rješenja I, zaključivanje Ugovora o prodaji i servisiranju proizvoda marke Volkswagen (privredni i putnički program) (u daljem tekstu: Ugovor) s privrednim subjektom M.R.M., na vremensko razdoblje od najmanje 5 (pet) godina, pod jednakim uslovima

utvrđenim u zaključenim Ugovorima o prodaji i servisiranju proizvoda marke Volkswagen s ostalim ovlaštenim trgovcima u Bosni i Hercegovini, te dostavljanje dokaza o istome, u vremenskom roku od 8 (osam) dana od dana zaključivanja predmetnoga Ugovora.

Također, u tački III. dispozitiva Rješenja I izričena je novčana kazna privrednom subjektu ASA AUTO u visini od 150.000,00 KM (stopedesethiljada), radi utvrđene zloupotrebe dominantnog položaja, u skladu sa članom 10. stav (2) tačka b) i c) Zakona, koju je bio dužan platiti u vremenskom roku od 8 dana, od dana prijema Rješenja I.

Nadalje, u tački V. dispozitiva Rješenja I nalaženo je privrednom subjektu ASA AUTO, da u roku od 15 (petnaest) dana od dostavljanja istoga, izvrši uplatu troškova postupka privrednom subjektu M.R.M u iznosu od 10.436,40 KM.

Konkurencijsko vijeće je dostavilo Rješenje I privrednom subjektu M.R.M., aktom broj: 01-06-26-027-141-II/08 dana 22. jula 2009. godine., i privrednom subjektu ASA AUTO, aktom broj: 01-06-26-027-142 –II/08 dana 23. jula 2009. godine.

Konkurencijsko vijeće je zaprimilo, dana 11. avgusta 2009. godine, pod brojem: 01-06-26-027-149-II/08, od Suda Bosne i Hercegovine Tužbu (upravni spor broj: U-383/09) (u daljem tekstu: Tužba I) na Rješenje I, podnesenu od privrednog subjekta ASA AUTO.

Također, Konkurencijsko vijeće je zaprimilo od Suda Bosne i Hercegovine Zahtjev za odgađanje izvršenja pobijanog Rješenja I, u smislu člana 18. st. 2. i 3. Zakona o upravnim sporovima Bosne i Hercegovine («Službeni glasnik BiH», br. 29/02, 44/02 i 88/07 i 83/08), dana 11. avgusta 2009. godine pod brojem: 01-06-26-027-150-II/08.

Konkurencijsko vijeće, na 92. (devedesetdrugoj) sjednici održanoj dana 13. avgusta 2009. godine, je donijelo Rješenje, broj: 01-06-26-027-151-II/08 (u daljem tekstu: Rješenje II) kojim se odbija Zahtjev za odgađanje izvršenja pobijenog Rješenja I podnesen od privrednog subjekta ASA AUTO, kao neosnovan, i isto dostavilo Sudu Bosne i Hercegovine, aktom broj: 01-06-26-027-152-II/08 dana 13. avgusta 2009. godine.

Konkurencijsko vijeće također, je dostavilo Rješenje II privrednom subjektu ASA AUTO, aktom broj: 01-06-26-027-153-II/08 dana 13. avgusta 2009. godine, i privrednom subjektu M.R.M., aktom broj: 01-06-26-027-154-II/08 dana 13. avgusta 2009. godine,.

Konkurencijsko vijeće je zaprimilo, dana 21. avgusta 2009. godine pod brojem: 01-06-26-027-156-II/08, od Suda Bosne i Hercegovine Tužbu (upravni spor broj: U-398/09) (u daljem tekstu: Tužba II) podnesenu od privrednog subjekta ASA AUTO protiv Rješenja II.

Konkurencijsko vijeće je dostavilo Sudu Bosne i Hercegovine odgovor na Tužbu I na pobijeno Rješenje I, aktom broj: 01-06-26-027-159-II/08 dana 31. avgusta 2009. godine (popratni akt broj: 01-06-26-027-160-II/08 s kompletnim spisom predmeta), te odgovor na Tužbu II na pobijeno Rješenje II, akt broj: 01-06-26-027-161-II/08 dana 1. septembra 2009. godine (popratni akt broj: 01-06-26-027-162-II/08).

Budući da privredni subjekt ASA AUTO u potpunosti i utvrđenim rokovima nije izvršavao obaveze iz Rješenja I, Konkurencijsko vijeće je nekoliko puta upozoravalo, aktom broj: 01-06-26-027-162-II/08 dana 31. avgusta 2009. godine, broj: 01-06-26-027-166-II/08 dana 6. oktobra 2009. godine, broj: 01-06-26-027-169-II/08 dana 19. oktobra 2009. godine i broj: 01-06-26-027-171-II/08 dana 26. oktobra 2009. godine, privredni subjekt ASA AUTO da je Rješenje I konačno i obavezujuće, u smislu čl. 45. i 46. Zakona, te na izvršavanja svih obaveza iz Rješenja I, kao i na izricanje novčane kazne, u smislu člana 48. stav (1) tačka d) Zakona, u slučaju neizvršavanja odluka Konkurencijskog vijeća.

Privredni subjekt ASA AUTO je dostavio, podneskom broj: 01-06-26-027-157-II/08 od dana 26. avgusta 2009. godine, potvrdu o plaćenju novčanoj kazni u iznosu od 150.000,00 KM, u smislu tačke III. dispozitiva Rješenja I. sa zakašnjenjem od 26 dana, budući da je istu bio dužan platiti do dana 31. jula 2009. godine i, podneskom broj: 01-06-26-027-168-II/08 od dana 9. oktobra 2009. godine), potvrdu o plaćenim troškovima postupka privrednom subjektu M.R.M. u iznosu od 10.436,40 KM, u smislu tačke V. dispozitiva Rješenja I sa zakašnjenjem od 61 dana, budući da je iste bio dužan uplatiti do dana 7. avgusta 2009. godine.

Nadalje, privredni subjekt ASA AUTO, podnescima - broj: 01-06-26-027-163-II/08 od dana 9. septembra 2009. godine, broj: 01-06-26-027-167-II/08 od dana 8. oktobra 2009. godine, broj: 01-06-26-027-170-II/08 od dana 23. oktobra 2009. godine, broj: 01-06-26-027-172-II/08 od dana 2. novembra 2009. godine, je informisao da je predmetni Ugovor, dostavljen privrednom subjektu M.R.M. dana 8. septembra 2009. godine na potpisivanje.

Privredni subjekt M.R.M. je naveo, u podnescima - broj: 01-06-26-027-164-II/08 od dana 9. septembra 2009. godine, broj: 01-06-26-027-165-II/08 od dana 29. septembra 2009. godine, da privredni subjekt ASA AUTO nije ispunio obaveze utvrđene u Rješenju I, što je potvrdio, dostavljanjem, uz podnesak broj: 01-06-26-027-173-II/08 od dana 5. novembra 2009. godine) predmetnog Ugovora, dostavljenog od strane privrednog subjekta ASA AUTO dana 8. septembra 2009. godine, te podneskom privrednog subjekta ASA AUTO (od dana 8. septembra 2009. godine broj: 01/EK-156/09), kojim potvrđuje da ostaje pri predmetnom Ugovoru, i da isti neće mjenjati do konačnog rješenja upravnog spora pred Sudom Bosne i Hercegovine, iako predmetni Ugovor nije usklađen s obavezama Rješenja I.

Privredni subjekt M.R.M. je naveo da su dostavljeni godišnji planovi prodaje, koji su sastavni dio predmetnoga Ugovora, znatno veći od planova prodaje u Ugovoru zaključenom s privrednim subjektom Auto kuća Jelić d.o.o., Široki Brijeg, što nije u skladu s uslovima iz Rješenja I.

Konkurencijsko vijeće, na osnovu dokumentacije dostavljene od privrednog subjekta M.R.M. i privrednog subjekta ASA AUTO, je utvrdilo:

- da privredni subjekt ASA AUTO nije izvršio obavezu, u skladu sa tačkom II. dispozitiva Rješenja I. i dostavio Konkurencijskom vijeću zaključeni predmetni Ugovor (za privredni i putnički program) s privrednim subjektom M.R.M., do dana 31. jula 2009. godine;
- da je privredni subjekt ASA AUTO dostavio privrednom subjektu M.R.M. predmetni Ugovor s godišnjim planom prodaje (za privredni i putnički program) na potpisivanje, dana 8. septembra 2009. godine, odnosno 18 dana nakon isteka roka do kada je predmetni Ugovor trebao biti zaključen i dostavljen Konkurencijskom vijeću, što je kršenje obaveza iz tačke II. dispozitiva Rješenja;
- da je privredni subjekt ASA AUTO Ugovor, koji je dostavljen privrednom subjektu M.R.M., potpisao dana 14. aprila 2009. godine, odnosno 96 dana prije donošenja Rješenja I, te da privredni subjekt ASA AUTO nije uključio u predmetni Ugovor obaveze iz Rješenja I od dana 21. jula 2009. godine, što predstavlja kršenje obaveza iz tačke II. dispozitiva Rješenja I;
- da je privredni subjekt ASA AUTO utvrdio godišnje planove prodaje vozila marke Volkswagen (koji su sastavni dio Ugovora) za privredni subjekt M.R.M. veće za oko 50,0% od planova prodaje u Ugovoru, zaključenom s ovlaštenim trgovcem - privrednim subjektom Jelić Auto d.o.o. Široki Brijeg, kojem je utvrđeno (..)**¹ vozila za putnički program i (..)** vozila za privredni program), što je kršenje Rješenja I;

¹ (..)** - Podaci predstavljaju poslovnu tajnu, u smislu članka 38 Zakona o konkurenciji

Konkurencijsko vijeće u Rješenju I je obavezalo privredni subjekt ASA AUTO na zaključivanje predmetnoga Ugovora s privrednim subjektom M.R.M. pod istim uslovima utvrđenim u Ugovoru zaključenom između privrednog subjekta ASA AUTO i privrednog subjekta Auto kuća Jelić d.o.o., Široki Brijeg, jer su opštine Široki Brijeg i Ljubuški u istom Kantonu i imaju približno isti broj stanovnika i ekonomsku razvijenost.

Također, Konkurencijsko vijeće, aktom broj: 01-06-26-027-171-II/08 dana 26. oktobra 2009. godine, je upozorilo privredni subjekt ASA AUTO da je u zaključenim Ugovorima sa svim ovlaštenim trgovcima u Bosni i Hercegovini, odnosno u planovima godišnje prodaje za 2009. godini primjenjivao kriterij broja stanovnika i ekonomsku razvijenost prilikom utvrđivanja godišnjih planova prodaje vozila, dok isti nije primjenio na predmetni Ugovor s privrednim subjektom M.R.M..

Konkurencijsko vijeće na osnovu navedenih činjenica je utvrdilo da privredni subjekt ASA AUTO svojim postupanjem i djelovanjem, posebno u postupku zaključivanja Ugovora s privrednim subjektom M.R.M. nije izvršio odredbe Rješenja I te je nastavio zloupotrebu dominantnog položaja prema privrednom subjektu M.R.M.

Konkurencijsko vijeće, u smislu člana 48. stav (1) tačka d) Zakona, izriče novčanu kaznu privrednom subjektu do 10,0% (deset) vrijednosti ukupnog godišnjeg prihoda, iz godine koja je prethodila godini u kojoj je nastupila povreda Zakona, ako ne postupi po odlukama Konkurencijskog vijeća iz člana 42. Zakona.

Konkurencijsko vijeće je izreklo novčanu kaznu privrednom subjektu ASA AUTO u iznosu od 750.000,00 (sedamstopedesethiljada) KM, odnosno 0,37% ukupnog prihoda iz 2007. godine, budući da nije izvršio obaveze utvrđene u Rješenju I, čime je prekršio Zakon te nastavio sa zloupotrebom dominantnog položaj na relevantnom tržištu prema privrednom subjektu M.R.M.

Konkurencijsko vijeće, visinom izrečene novčane kazne, je imalo prvenstveno za cilj kazniti privredni subjekt ASA AUTO budući da nije izvršio obaveze iz Rješenja I, jer je rok za potpisivanje predmetnog Ugovora utvrđen u Rješenju I istekao dana 22. avgusta 2009. godine, odnosno prije gotovo 100 dana, te upozoriti druge privredne subjekte u Bosni i Hercegovini, na obavezu potpunog i pravovremenog izvršavanja konačnih odluka Konkurencijskog vijeća, odnosno odredbi Zakona.

Konkurencijsko vijeće prilikom izricanja novčane kazne uzelo je u obzir da je privredni subjekt ASA AUTO ispunio dio obaveza iz Rješenja I nakon isteka rokova utvrđenih u istom, budući da je novčanu kaznu i troškove postupka uplatio sa zakašnjenjem.

Slijedom navedenoga Konkurencijsko vijeće je odlučilo kao u tačkama 1. i 2. dispozitiva ovoga Rješenja.

Ukoliko privredni subjekt ASA AUTO ne izvrši sve obaveze iz Rješenja I, Konkurencijsko vijeće, pored novčane kazne izrečene ovim Rješenjem, može odrediti i periodično plaćanje kazne koja ne prelazi 5,0% od prosječnog dnevnog prihoda u prethodnoj godini, u smislu člana 50. Zakona, odnosno u smislu Odluke o bližem definisanju načina periodičnog plaćanja kazne «Službeni glasnik BiH», broj 31/06.

Pouka o pravnom lijeku

Protiv ovoga Rješenja nije dopuštena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

dr. Stjepo Pranjić